



**Ivsti Rycqvii Canonici Gandavensis, Civis Romani, De
Anno Secvlari Ivbileo Syntagma**

De Rycke, Josse

Antverpiae, 1624

Capvt VIII. Ivbilevm apud Hebræos quando primò celebratum: item Annus
septimus Remissionis. Vtriusq[ue] Epochæ inuestigata, & ratio supputandi.

[urn:nbn:de:hbz:466:1-64507](#)

CAP V T VIII.

IUBILEVM apud Hebraeos quando primò celebratum: item Annus Septimus Remissionis. Vtriusque Epochæ inuestigata, & ratio supputandi.

Ic verò nobis disputandum occurrit (quod magna etiam Ingenia exercuit) de Annis Sabbatico ac Iubileo quando primùm celebrati sint, de quæ legitimis ac veris eosdem supputandi modis. In quâ re tanta hactenus opinionum *diuersitatis*, tanta sententiarum diuersitas fuit, ut Plautinæ illud Pœnoli iure hīc usurpare quis possit:

*Hac quidem pol, credo, nisi Sibylla legerit
Extricare alium arbitror posse neminem.*

Dum enim alij LXX. Interpretum sententiam secuti, alij Hebræam Chronologiam præferre maluerunt; non vnius modò aut alterius Anni, sed multorum sèpè seculorum discrimine à se inuicem dissentient. Itaque minutâ & exactâ de Orbis conditi Epochâ disputatione prætermis-
sâ, à quâ incertitudo omnis nascitur; & de quâ nihil certi pronunciari posse viri eruditissimi credunt; illud tantum inquiremus quo ingressus in Terram Promissionis anno primus Sabbaticus, quo Iubileus, è Diuina Auctoritate, obseruatus sit. De Mundi ergo Annis in desperato,

divisio-

to,

44 IUSTVS RYCVIVS

to, vti multi putant, negotio nihil affirmo; illud tamen pro certo affirmari potest populum Israëliticum, quadraginta annorum curriculo, incertis sedibus vagatum, prolixa terræ Chanaan desideria in deserto, sustinuisse. Quod cùm ex variis veracissimæ Scripturæ locis, tum isto sigillatim Num. c. XIV. insigniter comprobatur. *Filij vestri erunt vagi in deserto annis quadraginta, & portabunt fornicationem vestram, donec consumantur cadavera patrum in deserto; iuxta numerum XL. dierum quibus considerasti terram. annus pro die imputabitur.* Huius etiam rei in Diuinâ Scripturâ veritatem, quæ aliis tamen ~~ex~~ testimonii non eget, ex Annorum vitæ Mosis & Aaron, cuius populi *Ducum*, ratione Augustinus Torniellus in Annalibus Sacris argutè collegit: quem, si libuerit, videbis. Caussa tantæ illhic moræ ea est quam Diuinæ Litteræ passim, & locus è Libro Num. laudatus produnt, inobedientia eius populi ac ingratitudo in Deum commissa; parua etiam fides promissis eius sanctissimis sæpè habita, et si à summâ Veritate nusquam fallerentur, & à manifesto rerum suarum discrimine, ærumnisque omnibus ac periculis, per continua fere Miracula, liberarentur. Excepto ergo Iosue & Chaleb nemo ultra xx. annos natus, Aegypto profectus, Iordanem transiit: Diuino Numinis meritas à contumaci populo exigente poenas, & horum pietati iusta præmia tribuente. Anno vero ultimo eius Peregrinationis, siue Erroris, in fine mensis undecimi, quem Hebræi postmodum *SEBETH* appellârunt; siue, ut aliis traditum, principio in sequentis *ADAR*, MOSES,

DEI

Foris.

ad an. Man.
41 2583.Num. 14.
Ios. 14.Joseph. lib. 4.
Antiq.
Deut. 31. 6.
34.

DEI iussu, in monte Abari è vitâ concessit; ætatis suæ anno **CXX.** qui fuit Annus Mundi, iuxta Torniellum, $\infty.\infty.$ **I C LXXXIII.** iuxta Eusebij & LXX. Interpretum sententiam, $\infty.\infty.\infty.$ **I C CXXX.** iuxta alios alius. In sequentis verò anni principio, mensis **N ISAN** die decimâ, (cu- **Iosue 14.**
ius mensis die decimâ & quinctâ ab Aegypto olim exierant) populus in terram diu desideratam, transmissio Iordanem flumine, primùm intravit. Quo ipso anno cùm **Iosue F.** **NVN** diuinis arbitriis indicandi **ISRAELIS** potestatem suscepisset, annisque post aliquot prœlia Domini, contra rebelles terræ incolas, feliciter prœliatus esset; demum præclaris obtentis victoriis, terraque in ditionem redactâ, ad diuidendam suam cuique Tribui hæreditariam portionem animum adiecit. Itaque quidquid cis Iordanem agrorum fuit Nouem Tribubus & dimidiæ Manasse sorte diuisit: duabus aliis cum reliquo Manasse præteritis, quod ij iam antè à Mose, trans flumen, assignatas sibi sedes haberent. Porro annus ille **ληξιας**, siue, **Affignationis**, **Num. 32.**
quem ab Exodo **XLVI.** Scaliger, **XLVII.** Tor- niellus fuisse putant (nam aliorum exerrationes de industriâ præterimus) non is fuit à quo Sabbaticus ac Iubileus Anni computari coepit; sed Annus ab illo proximus, qui primus in Terrâ promissâ ad **γεωργιαν**, siue, agros excolendos, Israëlitas vocauit. Annus igitur **SABBATICVS** **PRIMVS VII.** à primo **γεωργιαν**, **VIII.** à pri-
mo **ληξιας**, **LII.** ab Exodo, **XIIII.** ab in-
gressu in Terram Chananæi fuit. Eadem verò de Anno **IVBILEO**, (nam eamdem Epocham
siue

agriculturæ,
diuisionis
agrorum.

sue Æram habuerunt) est ratio. Inueniendi autem illorum Æram non minima etiam difficultas est: quam alij ab Exodo, vt Lælius Zecchius; quidam à *γιωργίᾳ*, vt Scaliger; nonnulli à principatu Iosue, & ascensu in Terram Chanaan, vt Torniellus, Fungerus, & Ribera, deducunt. Mihi, si quid inter tot Lynceos, Cimmeriis veluti in tenebris, palpare permisum: posterior sententia maxime arrideat: cui etiam Diuinæ Scripturæ testimonium, velut Ariadnæum filum, accedere videtur. Capite enim illo, toties laudato, Leuitici, Dominus præcipit: *Quando ingressi fueritis terram quam ego dabo vobis, Sabbatizet terra Sabbatum Domini.* Clariùs Deuter. c. XXXI. Post septem annos, anno Remissionis, in Solemnitate Tabernaculorum conuenientibus cunctis ex Israel, vt appareant in conspectu Domini Dei tui, in loco quem elegerit Dominus. quibus, & sequentibus verbis, Lectionem illam Solemnam Diuinæ Legis instituit, anno Septimo repetendam: de quâ initio agebamus. quæ verba paucis antè Hebdomadis quam ingressuri erant in terram Chananæam à Prophetâ sunt dicta. Ut dubitandum non sit quin Anno ipso *τῆς κληρο-
κλασ*, vel, qui ab illo proximus fuit, Primus SAB-BATICVS sit actus. Atque ita noua terra nouis habitatoribus assignata nouas ferias in ipsâ sui assignatione celebrauit. Insigniter certè in Primo IUBILEO supputando lapsus Fungerus, Etymologici scriptor, qui eundem fuisse putat cum primo Ingressionis in regna Chanaan, & quinto principatus Iosue Ducis. Nam vt alterum transeamus, in quo nullum, credo, ad stipulatorem

*in voce,
Aubilum.*

latorem habet ; alterum sanè concedere ei non possumus , cùm diurnâ luce sit clarior statim à morte Mosis Iosue præesse cœpisse , exequiisque illius peractis induxisse copias in Promissionis Terram , & ad obsidendum Hiericunta , transmisso flumine contendere cœpisse . Quâ ratione Annus ille qui mortem Mosis consecutus (Quadragesimus primus , vti Torniellus putat , ab Exodo) & nouæ Hæreditatis gaudia Israelitis , & eorum Duci auspicia dignitatis attulit . Quarum rerum certitudo præter ea quæ apud Torniellum adseruntur partim ex Diuinorum Litterarum monumentis , partim è Fl. Iosepho sub initium Libri V. Antiquitatum peti potest . Quâ verò ratione Anni Sabbatici ac Iubilei olim putarentur , eruditè ac perspicuè Abulensis docuit ; cuius doctrinam Torniellus & Ribera reiectis aliorum opinionibus , sequuntur . Sic namque numeratos fuisse putat ut alter alterum non contingeret , sed separatim vterque & integrè numeraretur . Sicuti enim Hebdome de vnâ Annali elapsâ incipiebat altera Hebdomas computari ; ita absoluto Quinquagesimo quoque anno incipiebant alij Quinquaginta numerari . Atque ita tota temporum ratio apud Hebræos per Septenarios & Quinquagenarios commodè distingui poterat : ita tamen ut semper vterque numerus incorruptus remaneret . Alios supputandi modos diligens Lector apud nominatos Auctores , & de vtroque Anno curiosiora apud Scaligerum F. inueniet . Nos institutæ breuitatis memores , omissis Temporum scrupulis , rem ipsam prosequemur .

CA.

*ad Ann. Mo.
1584.**quæst. 7. 18
25. Gen.**Lib. 5. de em
Temp.*